



CAPVT I.

Historia & genealogia

ARCHIDVCVM AVSTRIAE.

§. I.

Gentis, quae nunc a sede, quam in Austria fixit, AVSTRIACA audit, origines ortusque ex alia esse regione adducendos, per incorrupta monumenta fatis exploratum habemus. HABSBVRGIACVM enim comitatum hanc familiam tenuisse, cum An. Chr. c^{io} cc lxxii. conditor eius, RVDOLFVS, imperii nostri caput eligeretur, indubia scriptorum fide scimus. Neque ambigui quid illud habet; quod patris tunc autoritas tantum apud imperii proceres valuerit: vt Austriae Marchionatum atque Ducatum Sueviae, vtriusque stirpe per idem tempus extincta, duobus filiis, istum quidem primogenito ALBERTO, hunc natu secundo RVDOLFO, felici accessionis auspicio conferrent. Per quod illud effectum est, vt ALBERTI familia, auito HABSBVRGIACO comitatu relicto, in *Austria* confederit, titulo etiam novae regionis, vtpote digniori, exinde adsumto.

Dictum ab initio de illustrium familiarum migrationibus in Germania (a): deinde quatuor viae ostensae, per quas a tenuibus initiis ad altiora fastigia iuerint gentes (b): regula simul commendata, a sapiente principe facta; id a quolibet cogitandum, vt

A 2

rem

(a) Sic Porussica domus principio in Sueuia agro Hohenzollerno praefuit: inde se contulit in Franconiae tractum Noribergensem: post marchiam accepit pagum Vandaliae: tandem prima ei facta est Regnum Porussiae extra imperium.

(b) Matrimoniis; bellis; beneficiis; pactis successoriis.